

9
A
HARVARD COLLEGE LIBRARY
FROM THE
HARVARD-YENCHING
INSTITUTE
APR 29 1930

Ch L 3203,83
Ch L 3203,83

Ch L 3203 / 3142 / 83

江南通志卷二十五

輿地志

關津 一 橋梁鎮市附

江蘇松常四府

星經云牽牛神一名天關太公金匱云春三月斗為天關又晉書天文志云天津九星主四瀆津梁江南次牛斗之分星襟江淮之靈瀆關則山有清流水有海門津則方山為東石頭為西實上應天文雄跨南服矣至於虹形鴈齒以濟車徒旗亭鼓戍以聚商旅又與關津相為表裏者也

江寧府

龍江關在江寧縣西儀鳳門外今移上新河舊管收工

哈佛大學哈佛葉宗圖書館珍藏印

部稅務另設戶部鈔關康熙二十八年併兩稅爲一民商稱便

大勝關江寧縣南二十里明初陳友諒來侵太祖命楊璟駐兵大城港禦之友諒大敗去因名大勝港置大勝關

石灰山關上元縣幕府山北明初置

江淮關江浦縣東南三里明洪武二十四年建關置巡司於此今如故

浦子口江浦縣東二十里爲南北津渡之要明置守禦所

國朝初設叅將駐防康熙中改用守備

江東渡上元縣

龍江渡

五馬渡幕府山前晉元帝與諸王渡江處右上元南津江寧縣南南朝置校尉守之侯景入寇南津校尉江子一與弟子四子五同殉難於此

毛公渡馴象門外卽古麾扇渡

唐家渡縣北三十里與六合梅家步相對卽古張公凹渡

馬家渡西南九十五里亦曰馬家洲又爲馬家步宋建炎間金人由馬家渡渡江陷太平州卽此右江寧

下蜀渡句容縣北七十里東陽渡西北八十里茅場渡北八十里東陽鎮側右句容

何莊渡溧水縣西北四十五里

梅梁渡西南二十五里石臼湖津濟處也入右溧水

高淳渡高淳縣治西南

西陡門渡縣西三十里界丹陽湖三汊河為寧國太平衝要 水陽渡西三十里

固城渡東南三十里 分界渡西北十五里

祠城渡東北三十里 陳家渡東四十里

撐龍港渡西二十里 右高淳

八字溝渡江浦縣東八里濱江

新江口渡東南十三里濱江與省城中河相對

韋游溝渡西南五十里接和州界

三汊河渡東北四十里邑令置船二為官渡 右江浦

回軍渡六合縣

宣化渡 右六合

大中橋上元縣通濟門內舊名白下

復成橋大中橋北 通濟橋通濟門外

中和橋通濟橋東南

上方橋中和橋東南上三橋皆跨濠水

鼎新橋舊名小新橋

崇道橋在鼎新橋西倉巷北近全節坊

太平橋俗呼為笄橋在鼎新橋東上三橋皆跨運瀆

內橋太平橋東運瀆合青溪處舊名虹橋宋政和中蔡

疑修南渡後建行宮於此改名天津橋後改今名

昇平橋內橋東北卽宋東虹橋

大市橋內橋西北卽宋西虹橋

北門橋洪武街南跨古城濠 回龍橋漢西門內

石步橋縣東北四十五里卽古羅落橋晉元興末劉裕

討桓元自江乘進至羅落橋

土橋縣東七十五里與句容接界

鎮淮橋江寧縣聚寶門內卽古朱雀航吳名元津

武定橋鎮淮橋東

文德橋縣學宮右

利涉橋文德橋東卽桃葉渡東晉以來未有橋以通濟

水關來水天門宜敞也順治初太守李正茂設木橋名

利涉康熙癸卯易木以石議者謂天門閉塞不利人文

非古設渡之意復廢石而易以木焉

淮青橋秦淮與青溪合流處

斗門橋卽古禪靈寺橋其北又有乾道南北二橋明一

統志在三山門內秦淮合運瀆處

張侯橋淮水南對瓦官寺吳張昭所造故名晉義熙六

年盧循焚查浦進至張侯橋卽此

南渡橋舊跨秦淮李白與酒客數人棹歌秦淮往石頭

訪崔侍御詩云捨舟共連袂行上南渡橋

飲虹橋縣西南百餘步跨秦淮本名萬歲橋楊吳時名

新橋至今俗仍呼新橋

上浮橋新橋西

下浮橋上浮橋西皆跨秦淮

聚寶橋聚寶門外卽古長干橋楊吳城金陵鑿濠引秦

淮水繞城置此橋跨之

石城橋石城門外跨城濠

三山橋三山門外跨城濠 江東橋江東門外

賽工橋馴象門外明遜國時侍中黃觀妻女死節處

來賓橋馴象街近橋有來賓樓故名

善世橋來賓橋西皆跨躍馬澗水流通城濠

板橋縣西南四十里晉簡文帝爲王時常與桓溫及武

陵王晞同載游於板橋溫遽令鳴鼓吹角車馳卒奔晞

大恐帝安然無懼色溫由是憚服又晉伐吳丞相張悌

死於板橋悌家在板橋西

河亭橋縣東南二十五里一名河定橋

新林橋縣西南十八里梁武帝敗齊師處卽今西善橋

秣陵橋縣東南五十里

到駕橋夾岡門明太祖曾駐此

東善橋縣東南四十里吉山下

右江寧縣

集仙橋句容縣東南一里許

永安橋縣南七里下有小港入於秦淮

降真橋茅山玉晨觀西

白鶴橋縣東南三里

懸纛橋縣西十五里周瑜嘗駐軍於此

周郎橋縣西二十里亦以瑜名

沈公橋縣南二十五里相傳以沈慶之名

高平橋縣西南三十五里竹里橋縣北六十里

右句容縣

惠政橋溧水縣東門外跨秦淮水舊名臨淮橋

尙書橋縣東十里

九澗橋東三十五里以有九澗之水匯故名橋

神龍橋東四十五里舊名神靖橋

尙義橋縣南二十五里積慶橋南三角鋪前

秦淮橋小西門外

楊林橋縣北五里通省官路

天生橋縣西十里高十二丈闊七丈五尺明洪武十年

太祖命崇山侯李新鑿胭脂岡二十里成河通蘇浙運

道橋因石勢而成若天生然故名

花溪橋縣西四十五里跨花溪港

永昌橋縣西北永壽寺側洪驛橋縣南洪藍埠

烏剎橋縣西北四十五里秦淮水經其下接江寧縣界

募軍橋縣北三里明嘉靖間李佛保與倭戰死處

長樂橋縣東北二十五里

右溧水縣

東新橋高淳縣東南望洋門外

西新橋縣西南襟湖門外高闊二丈五尺長十五丈
永濟橋在西新橋左初為甘棠渡後建石橋上三橋俱
跨官溪河上

曹塘橋縣東四十里跨曹塘河

永清橋東六十里為吳越要津舊係木梁順治八年建
石橋

永康橋一名下橋縣東南七十里上二橋俱跨胥河

上橋亦跨胥河接建平縣界

里仁橋一名灣橋縣東北十五里跨桃花澗

王發橋東六十里當江寧廣德浙江孔道邑人劉啓東
妻王氏年二十夫死無子守節捐貲建鄉閭義之因名

雙橋南十里本雙河渡明萬曆中建石橋

水碧橋西南三十里跨水陽河接宣城界宣徽之水至
此皆澄碧因名

永興橋東北三十里跨藕絲塘

右高淳縣

宣化橋一在江浦縣治西數百步一在浦子口滄波門
外與六合接界以宣化鎮名

珍珠橋縣東二十里 白馬橋縣南五十里

獬鳳橋縣西南二十里 石磧橋縣南石磧鎮

惠政橋西六十里接和州界

茅塘橋縣北三十里跨通江大河又北五里為橫橋皆

通浦子口驛路

右江浦縣

龍津橋六合縣治南數十步爲水陸要會成化志云橋一十八洞累石爲之黃巢兵燹之後石橋廢自宋迄今皆作浮橋

追人橋來春門外宋太祖兵禦南唐至此故名

冶浦橋縣東五里跨冶浦河唐祖詠有詩

善家橋東南二十五里瓜步六合儀徵分路處

茅家橋南二十五里滁口山北沿河通長蘆陳里港

馬昌河橋西南二十里

黃湖橋西北十五里

程家橋西二十里水通滁河縣西諸山集鎮悉由此出亦會聚之區也

竹鎮橋西北三十三里河道紆曲一邑關鍵故竹鎮殷阜勝他處

八百橋東北三十里舊傳唐有八百梵僧往冶山講經過此故名

蘆塘橋東北二十里橋東北五里有蘆塘寨因以名橋焉

右六合縣

靖安鎮上元縣西北十五里本名龍安鎮以鎮有龍灣也宋曰靖安建炎四年岳忠武邀敗金人於此

淳化鎮縣東四十五里亦曰淳化關其地遮蔽句容應接京口形勢衝要有巡司

石步鎮縣東北四十里卽羅落橋鎮

土橋鎮縣東七十五里接句容界

湖熟鎮縣東七十里

笄橋市縣治西數百步百物所聚一名夜市間巷細民每持衣物立門首荒販收之次日五更卽至市轉售古詩有云金陵市合月光裏則夜市由來舊矣

花林市縣東三十五里齊梁諸墳多在其地

東流市縣東北四十里有橋曰東流以水流自東因名

栖霞市栖霞寺前去城四十五里

索墅市縣東五十里清化鄉有索墅坊

湯泉市縣東六十里湯山 龍都市縣東南五十五里

右 upper 元縣

江寧鎮江寧縣西南六十里

金陵鎮縣南六十里本陶吳鋪景德二年改爲鎮

秣陵鎮縣東南五十里元設巡司及稅務明置秣陵關今仍爲鎮有巡司

新橋市縣西南卽古魚市今新橋十字街口卽其地也

三山街市江寧縣北

東口市縣南聚寶門外長干里東

西口市長干橋南今西街口

小口市聚寶門外來賓橋西一名小市口世說張闔家小市

江東市縣西江東門外商販雲集

新林市縣西南二十里近新林浦

杜橋市縣南四十里板橋市縣西南三十里

路口市縣南七十里銅井市縣西南八十里

朱門市縣南九十里

右江寧縣

白土鎮句容縣東四十五里為句容丹陽之中路元置

稅務明設白埠公館今稅務廢而鎮常為往來駐宿處

常寧鎮縣東南四十里宋天禧初置常寧寨亦以此名

縣舊有巡司及稅務局今裁

東陽鎮縣西北六十里宋置東陽砦巡司後裁

下蜀鎮縣北六十里東去鎮江府界十五里唐置鹽鐵

轉運使在揚州宋發運使在真州皆於江南岸置倉轉

搬今下蜀鎮北有倉城基并鹽倉遺址尚存

河口鎮縣北七十里舊名斜溝

龍潭鎮縣西北八十里逼臨大江地有龍潭因名明初

置巡司兼設水馬驛建文四年燕王渡江次龍潭是也

今裁巡司以驛丞兼攝司事

右句容縣

官塘鎮溧水縣東二十五里道出溧陽

蒲塘鎮縣南二十五里 孔家鎮縣南四十五里

蒲千鎮縣東北十五里間道出句容

楊塘市縣東四十五里道出溧陽

洪藍市縣南十五里亦名洪藍埠有河道北通秦淮南

達石湖百貨聚集為商賈貿易之所新糧倉在焉

邵村市縣南六十里接建平縣界明嘉靖間設河泊所

於此萬曆年革 烏山市縣北三十里

柘塘市縣北四十五里與烏山俱為趨省孔道

右溧水縣

廣通鎮高淳縣東五十里接溧陽界即古東壩地明洪

武中置鎮有巡司

固城鎮縣南三十里春秋吳固城即此

水陽鎮縣西南三十里臨水陽河河之南與宣城接界

漆橋市縣東北三十里 戴家城市縣東三十里

東壩市縣東五十里 南唐市縣南十里

蘆溪市縣西十里

右高淳縣

浦子口市在江浦縣東二十里

石磧鎮縣西南三十五里

高望鎮縣西南二十里晉太康初伐吳王渾使李純屯

高望城是也

香泉鎮縣西北三十里南去湯泉五里即故湯泉鎮也

又有湯泉寨在湯泉元末居人築以禦寇

東葛城鎮縣西北三十五里明初置館驛於此

西葛城鎮縣西北四十五里接滁州界

汶河集縣北三十里濱滁河

小店縣西北二十里又西北五里有高麗店

茅塘市縣西北三十里茅塘橋

右江浦縣

瓜步鎮六合縣東南二十五里瓜步山下

長蘆鎮縣南二十五里舊為戍守處宋時置鎮設沿江

巡官監稅渡於此

宣化鎮縣南宣化山之陽為建康往來津渡之要宋紹

興十一年張浚救濠州為金所敗馳入宣化吳表臣言

大江下流最急者有建康之宣化是也

竹鎮縣西北三十三里宋設巡司及稅務於此本名竹

墩以宋廟諱更名竹鎮

皇廠河集縣南五十里外江內河集中之最繁衍者

雷官集縣西南五十里通滁州大道

程家橋集縣西二十里地通大河亦繁盛

施官集縣西五十里 裴家集縣西北五十里

馬家集縣北五十里

右六合縣

蘇州府

汭墅關府西北二十七里百貨到此完稅有監收公署
楓關閘門西七里爲南北衝要地介吳長二縣各省商
米豆麥屯聚於此

駟馬關崑山縣小西門外

界涇關常熟縣西南五十里

胥關渡府胥門外

九里河渡胥口東南之九里其河南抵東洞庭武山趾

管家浜渡楓關西北

陸市鋪渡元和縣唯亭東

車塘渡青洋江

三江渡

張家渡

新渡

明月渡

浦缺渡

沙蘿渡

以上六渡俱在吳淞江南接青浦崑山縣界

白茆塘渡在昭文縣渡沿海舊建白茆塘橋備巡海兵
馬經行橋溪闊易圯康熙三十四年改設官渡又有徐
六涇渡亦然

飲馬橋府治東宋淳祐中知府魏庠建

織里橋府治西本吳王織里俗訛爲吉利

樂橋吳縣東吳赤烏二年建

石巖橋織里橋西唐刺史白居易建名白頭橋有石刻
字元總管道童重建改今名石巖蓋其自號也

憇橋城內西南吳軍憇息於此因名

來遠橋胥門內舊姑蘇驛置此宋紹興間王喚奏建專待屬國信使故名又名驛橋

臯橋閘門內漢議郎臯伯通居其側梁鴻所寓也至德廟橋城內西北泰伯廟前

都亭橋承天寺西吳王壽夢嘗於此作都亭驛以招賢士

虹橋閘門外跨運河卽釣橋也又吳縣學南有虹橋新橋盤門外亦名興隆橋自盤門出趨諸鄉每過運河須舟以濟又當兩派交流之間頗為深廣有石氏請出錢造橋橫絕漫流分為三橋往來便之

渡僧橋閘門外孫吳時建宋咸淳間重建

五龍橋盤門外七里跨運河

楓橋卽楓關舊本名封橋因張繼詩相承作楓

普福橋城外俗名橫塘橋

越成橋胥門外跨越來溪舊名越來溪橋

行春橋橫山東茶磨嶼下跨石湖通越成橋橋甚長跨

溪湖之口名小長橋歲久圯缺淳熙十六年重修疊石

為梁凡十有八洞

虎山橋縣西南光福鎮元泰定中更名泰定橋

具區風月橋洞庭東山跨莫釐武峰之間東西相接中

貫太湖舊有石梁後圯明成化九年重建凡長十六丈

高二丈九尺東西為石堤延袤又各四十丈

右吳縣

百口橋長洲縣治東東漢顧訓五世同居聚族百口故因其所居名橋訓歲朝聚子孫悉坐依次行酒三歲以下並知位次故又名試飲橋

乘魚橋在交讓瀆

夏侯橋城內東南相傳為夏侯司空建或云橋邊有夏侯廟因名

顧家橋縣治東北顧悌仕吳為虎頭將軍父亡五日絕粒而死郡人為之造橋

臨頓橋縣治東北唐陸龜蒙嘗居其旁臨頓亦吳時館

名

半塘橋自閶門至虎邱有七里山塘此橋適得其半故名

普濟橋半塘橋西因南岸接普濟堂故名

來鳳橋閶門外跨運河 新橋許墅關北跨運河

普思橋南新橋西跨運河一名北新橋

右長洲縣

花橋元和縣東北

苑橋縣東北舊傳有吳王苑囿於此

烏鵲橋縣治西南舊傳古有烏鵲館橋以館得名

蠡口橋縣北蠡口跨元和塘

官瀆橋跨至和塘元至正二年建

安里橋葑門外

接渡橋俗名覓渡橋赤門灣舊以舟渡行旅苦之元大德間有僧自崑山來為渡所阻發念募建因名

寶帶橋縣東南十五里跨澹臺湖當江浙往來之衝南北長百二十丈洞其下可通舟楫者五十有三高其中之三以通巨艦唐王仲舒建鬻所束寶帶助費故名正統十一年巡撫周忱重修

尹山橋寶帶橋之南跨運河

夾浦橋橋東即屬吳江縣宋紹興初建水勢迅疾明宣德中橋圯正統間巡撫周忱創造浮橋嘉靖間重建石

橋又圯萬曆中重建

右元和縣

富春橋崑山縣治東北跨至和塘俗名高板橋

半山橋縣治西北跨至和塘崑邑之勝在馬鞍山自縣治至山橋當路之半故名

戊己橋城內婁豐坊

玉虹橋縣東門外跨婁江梁大通中建

祝思渡橋縣東南十里跨新洋江

淞南第一橋在千墩浦明永樂年建

右崑山縣

吳家橋新陽縣千墩鎮南其地有澱山河北通吳淞江

商賈所聚相傳賣漿吳翁始建木橋明萬曆七年里人沈松源改建

狀元橋宋祥符元年衛涇建

右新陽縣

文學橋常熟縣城內子游巷口又名醋庫橋宋時官造醋取息故有醋庫

顯星橋縣城內舊傳星墮為石大數十圍在橋之東故名旁有港曰落星港

慶仙橋縣西南舊傳為徐神翁升仙之地

學士橋縣治直南舊名信義橋又名琴川縣治前後橫港七派如琴絃皆發源虞山東注運河橋跨第一港明

弘治中學士李傑建坊於此更今名

五瞿橋縣東南五里阜安門外

殿橋縣西門外跨山塘 福山大橋縣北福山鎮

支塘橋縣東支塘市跨白茆港順治中建

右常熟縣

香花橋昭文縣慧日寺塔前

通濟橋城內俗名坊橋以其接福山通大江故名

魚家橋魚侃居此

通海橋梅李鎮自許浦過梅李潮汐迅急舟行險地也御渡橋寶陽門外以宋高祖過此得名

賀勝橋寶陽門外宋紹興間左軍李寶獻捷於此

橫塘橋縣東南

許浦橋在許浦港

右昭文縣

仙里橋吳江縣東門內相傳陳昉於此仙去

垂虹橋本名利往橋橋上有亭曰垂虹故名前臨具區

橫絕松陵湖光海氣蕩漾一色三吳之絕景也蘇舜卿

有長橋對月詩附宋錢公輔垂虹橋記出姑蘇城南五

攘攘沙渚之上者吳江縣也東湖之流貫城之中隔限南北橫可以渡者吳淞江也隱然長虹截湖跨江來往安若複道者初作利往橋也橋本無有慶曆七年冬大理寺丞知縣事李問縣尉王廷堅嗟邑民之陋鮮慕學者將改立至聖文宣王廟呼富民曉以助役民驩然從命遂輸緡錢數百萬未幾詔禁郡縣不得新立學二人謀曰民既從財既輸矣倘不能作一利事以便人吾何以謝百姓遂合傭傭工橋役興焉東西千餘尺市木萬計不兩月大就即橋之心侈而廣之構亭其上登以四望萬景在日日垂虹亭初縣城為江流所判民半居其

東半居其西晨往暮歸事無纖巨必舟而後可故居者為不利縣當驛道川奔陸走者肩摩櫓接也卒然風波之險則左江右湖漂泊無所故行者為不便及橋之成行者便居者利賢人君子措一意與一役豈直為遊觀之美登賞之樂哉雖然湖光萬頃與天接白洞庭薦碧雲烟占青月秋風夏囂滅埃斷牛謳漁吟暗鳴間發榜聲權歌嘔啞互引後盼前

安邑橋南關外俗名跨塘橋

萬頃橋縣東石塘宋劉嘉謨有詩

甘泉橋縣東境一名第四橋以泉晶居第四也

白龍橋縣南十二里跨白龍港

安德橋平望鎮唐顏真卿有詩

浮玉洲橋黎涇鋪東

七里橋縣北塘俗名萬家橋

右吳江縣

大浦橋震澤縣南二十里八斥俗名八斥橋嘉靖二十七年建

底定橋震澤鎮宋淳祐二年建

達觀橋在梅堰明嘉靖三十四年建

右震澤縣

橫塘鎮吳縣西南十三里有橫塘橋上有亭顏曰橫塘

古渡

木瀆鎮縣西南三十里有巡司

光福鎮縣西五十里 社下鎮縣西一百十里

右吳縣

唐浦鎮長洲縣東二十二里有土壩為吳淞江南要道

明正德二年設巡司今裁

周莊鎮縣東南四十里南接吳江縣界

陸墓鎮縣北八里以有唐陸宣公墓故名

金墅鎮縣西北四十里 五墓市縣東北二十里

尹山市縣東南二十里 黃埭市縣北四十里

右長洲縣

丹直鎮元和縣東北四十里接崑山界舊名甫里

陳墓鎮縣東南五十五里宋光宗陳妃葬此因名有巡

司東北接崑山界

唯亭鎮縣東三十五里西去三里為小唯亭

蠡口鎮縣北十八里又謂之蠡塘范蠡扁舟浮五湖經此

右元和縣

石浦鎮崑山縣東南四十里南通澱山湖北枕吳淞江

宋置巡司元因之明景泰二年移巡司於千墩浦口

千墩鎮縣東南四十里南接青浦縣界有石浦巡司

安亭鎮縣東四十五里東接嘉定縣界舊有稅課局

半山橋市縣治西北

右崑山縣

蓬閬鎮新陽縣東南三十里初名牌落弘治中知縣楊

子器改今名

右新陽縣

田莊鎮常熟縣北少西三十六里有橋跨奚浦塘居民

千家明末始盛今黃泗浦巡司寄居於此

唐市鎮縣東南三十里以居民唐氏所創聚因名南六

里有斜堰即崑山縣界

福山鎮縣北四十里唐天祐初吳越築城戍守曰金鳳

城宋淳祐九年置忠節水軍寨於此明初修築舊城設

巡司兼置福山把總

國朝改設叅將遊擊等領之分防鹿苑支塘徐六涇等處

練塘市縣西南三十六里

右常熟縣

梅李鎮昭文縣三十里外吳越錢氏遣將梅世忠李開山戍此防江故名宋元豐間始為鎮

支塘鎮去縣四十五里因白茆塘支流故名張士誠嘗築城於此明初撤其磚甃修治太倉衛今遺址尚存
老徐市去縣五十里跨李墓塘為鎮

董家浜新市去縣四十五里市故有城今圯
李市白茆塘迤南數里傍東山涇又名山涇市

右昭文縣

同里鎮吳江縣東十里有巡司舊名富士

汾湖鎮縣東南二十五里有巡司

盛澤鎮縣南六十里

黎里鎮縣東南二十里

右吳江縣

平望鎮震澤縣東南四十里有巡司唐置平望驛張祐有詩
梅堰鎮縣南五十里

震澤鎮縣西南六十五里濱湖有巡司

右震澤縣

松江府

海關在上海縣康熙二十四年設立即舊北察院行臺為公署於六十年歸併蘇撫協理今專委蘇松巡道監督

馮家渡華亭縣南黃浦

葉謝渡縣南葉謝港

烏泥涇渡鶴涇南界華亭上海

彭家渡 右華亭縣

橫涇渡 右奉賢縣

米市塘渡婁縣南黃浦萬曆中里人張元輔立義渡置

田四十畝贍用

吉陽匯渡縣西南九里 右婁縣

橫潦涇渡 斜塘渡 右金山縣

永濟渡上海縣治東關外 蟹漚渡縣東南

減水河渡吳淞江巡司前 肇家浜渡縣治東

吳淞江頭壩義渡 右上海縣

閘港口渡南匯縣 周浦塘渡

蒲達涇渡 閔行渡

右南匯縣

東震橋華亭縣治東本名虹橋宋政和中縣令姚舜明

作亭其上改今名

玉帶橋縣南跨玉帶河 里仁橋縣城內行用庫前

通波橋縣北跨通波塘 盤龍塘橋跨塘東西

咸通橋城東跨南俞塘口

集賢橋縣北跨集賢涇元至正中建

濟眾橋在葉謝鎮 華陽橋縣東九里

右華亭縣

南橋奉賢縣跨橫瀝溪鎮以是名

新塘橋一名通津在南橋鎮

下橫涇橋華奉交界處 望湖涇橋永樂中建

金匯橋洪武十三年建 百曲港橋永樂中建

拱際橋元至正中建

右奉賢縣

望仙橋婁縣千戶所西

雲間第一橋縣西南八里跨古浦塘上宋建初名跨塘

明成化間知府王衡重建易今名

瑁湖橋縣西超果寺東 谷陽橋縣西洪武中建

秀野橋縣西五里跨沈涇塘

崑秀橋在縣西

秀南橋蔣涇西與秀野相望沈涇塘由此入秀野

秀塘橋縣西五里

采花涇橋縣西北跨采花涇

米市塘橋俗呼小張涇元至正中建

張涇橋米市塘西元至正中建

西倉橋縣西九里明徐階建橋左右闔闐雲連商賈駢

集為谷陽門外第一殷繁之地

石湖橋縣西石湖塘明洪武初建其上有憇息亭

右婁縣

洙涇萬安橋在金山縣西南三十五里

諸流涇橋金山縣近北錢村

錦里橋禮塔南南錢村

通濟橋跨大泖

太平橋

右金山縣

望雲橋上海縣治東俗呼虹橋

學士橋黃浦口明尚書陸深建制極壯麗

鸞竇湖橋跨新涇浦上百步橋跨百步塘上

吳淞江橋縣北一名關橋跨江上明成化間屢修治

清河橋烏泥涇又名長橋

右上海縣

蟠龍橋南匯縣市心盤門口跨護塘港

瑞安橋市心跨周浦塘俗呼時安橋

李將軍橋在周浦鎮相傳袁崧部將李松居此故名

啓秀橋周浦鎮東南為北諸竈水會流處

大浦亭橋跨大浦涇

張勝橋周浦東跨港向係木橋雍正五年里人丁允中

倡建石梁

衆安橋鶴砂鎮東跨鹹塘元至正年建

飛雲橋跨鶴砂浦

虹橋縣北蔡鎮市心官路港口

右南匯縣

棣華橋青浦縣東門內跨橫泖

鳳凰橋縣東南跨顧會浦 麟趾橋縣西朱家角鎮

慶安橋通波塘上卽酒坊橋

永安橋俗呼柘澤橋順治中重建

廣利橋卽南亭橋在廟涇上

右青浦縣

海門橋福泉縣城北邵嗣原有登海門詩

梁武塘橋淮浦上相傳梁武帝曾經此

廣濟橋在通波塘卽中亭橋

阜通橋金涇上一名通澤

錦溪橋縣東南鳳凰山東

祥澤橋縣東南一名塘橋元至正中建東北通上海嘉

定西北通青浦崑山最爲要道

萬柳橋縣東北青龍鎮東萬柳堤上

右福泉縣

亭林鎮華亭縣東南三十六里原名顧亭林梁顧野王

故居在焉今寶雲寺是也宋置金山巡司於此元因之

明廢今爲商旅輳集之所

葉謝鎮縣東南二十里以二姓居此得名民居稠密商

賈輻輳舊有稅課局今裁

莘莊鎮一名莘溪北隣七寶南近烏泥涇民居多儒族

右華亭縣

南橋鎮奉賢縣西三十四里有南橋巡司

青村港鎮縣西十里一名青林洪武中築城以禦海寇

陶宅鎮縣西北十八里明初著姓陶氏之宅故名袁凱
有大醉陶與權宅詩後倭亂據此徐渭有陶宅戰歸序
莊家行鎮瑁湖涇東南居民繁衍耕讀相半有莊姓聚
族於此故名

右奉賢縣

風涇鎮婁縣西南五十四里南接嘉興縣界古於此置
風涇驛貝瓊清江集云風涇多荷花周迴三里橋梁凡
九彷彿錢塘西湖之勝明瞿佑有過風涇詩

北七寶鎮左爲橫瀝溪前臨蒲匯塘商賈必由之地舊
有南北二寺皆稱七寶此居其北士民繁庶爲邑巨鎮
小蒸鎮縣西南四十五里其西十里有漢濮陽王墓甚

高大不生螻蟻相傳築墓時蒸土爲之因名大蒸有小
墓亦然名小蒸地挹九峰三泖之勝元時曹氏園亭最
著今花石猶有存者有巡司

泗涇鎮一名泗濱因泗涇塘故名民居稠密商賈聚集
有小武當香火頗盛

右婁縣

朱涇鎮金山縣西南三十六里一稱珠溪宋置大盈務
元置朱涇巡司洪武初置稅課局在縣西南楊巷市六
年徙治於此

呂巷鎮縣西南三十五里元時呂良佐創應奎文會招
來儒彥故名一名璜溪市與朱涇鎮楊巷市鱗次參錯

而楊巷少僻云

張堰鎮縣南五十里一名張涇堰自府至金山孔道宋時置堰以捍柘湖入海之水明置稅課局今裁

興塔鎮去泖橋十里舊有興塔院故名諺云興塔無塔卽其地也

右金山縣

吳會鎮上海縣西南五十四里本名吳匯以指吳會於雲間語易今名元時置鄒城巡司於此

烏泥涇鎮縣西南二十五里接華亭界嘗有田父得古碑地名賓賢里元置巡司及太平倉蘆子稅課局於此明洪武六年仍置稅課局今裁

八團鎮縣東南五十四里民多以鹽爲業商賈輻輳市有三場鹽司今爲川沙堡

閔行鎮縣西南橫瀝塘東濱大浦乃南匯陶宅由浦入府之通衢明正德中大水歲歉橫瀝沙竹二岡田獨稔災鄉多從貿易鎮始知名

梅源市縣西北三十六里地名王菴明提學副使王圻藝梅千株著書其中今其地方幅十餘里土人俱植梅花開時香聞數里

右上海縣

周浦鎮南匯縣東南三十六里一名杜浦民物繁阜元置杜浦巡司又移下沙鹽場於此鹽場遷巡司亦革

下砂鎮縣東南六十里宋丞相吳潛侍父讀書處一名鶴砂相傳有胎禽自海外飛至方頂綠足龜文故名本從水以多水患改作砂鎮多巧工精刺繡稱下砂繡新場鎮距下砂九里一名南下砂又名石筍里明正統二年遷鹽場於此故又有今名場賦為兩浙最北橋稅司杜浦巡司亦嘗徙此嘉靖間倭寇初平里人呈請建城立縣後改築於川砂堡向有分司公署今廢

右南匯縣

金澤鎮青浦縣西南三十五里地接泖河稽人護澤如金因名鎮當江浙之交元設澱山巡司明移治安莊在鎮之西以防鹽盜出沒今因之

朱家角鎮縣西十里商賈雲集貿販甲於他鎮

廣富林市縣東南三十二里為入郡孔道南接婁縣界

右青浦縣

趙屯鎮福泉縣西北二十七里趙屯浦上以宋高宗南渡屯兵於此因名又名漢城里舊有巡司今裁

盤龍鎮地瀕淞江盤龍匯即宋葉清臣疏渠洩水處

黃渡鎮臨吳江北岸即屬嘉定呼為新街貿易頗盛

崧宅市明成弘隆萬間市廛日闢商販交通

右福泉縣

常州府 無關

戴圻渡在府治內

雙河渡

白龍橋渡

右無錫

黃埠墩渡

華氏義莊渡

石幢渡

聖瀆口渡

右金匱

竹門渡宜興縣西北三里

湫溪渡縣東南十五里右宜興

龍溪渡荆溪縣南五十里

珠潭渡縣西南七十里右荆溪

譚公渡蘇家港口知縣譚桂設因名

右靖江

永安橋俗名府橋在郡治前跨惠民河宋嘉定中建明

萬曆中重建

狀元橋郡學西南跨惠民河宋崇寧中建狀元霍端友也

甘棠橋府治南舊名金斗宋紹興初建

肅華橋府治東南跨後河唐延載元年建明正統間修

仁育橋晉永嘉三年建

玉帶橋察院東明萬曆初開玉帶河建

廣濟橋縣治西跨運河俗名倉橋明正統十二年巡撫

周忱始構以木名西新橋成化十七年伐石重建改今

名

天禧橋俗名驛橋跨舊運河唐長壽二年建宋天禧年

修故名

連江橋縣西十八里跨得勝新河通運河處一名新河橋

五牧橋縣東南四十五里接無錫界唐末吳越錢鏐遣兵自江陰與楊行密戰於五牧宋末元兵至常州文天祥遣其將尹玉麻士龍等赴援士龍戰虞橋玉戰五牧即此

卜弋橋縣南跨白鶴溪元至正中建

黃土岸橋縣西南八十里西蠡河支流西出處其地南通溧陽西接金壇元天曆二年建

右武進縣

虹霓橋陽湖縣東跨北邗溝俗名滕公橋唐至德初建

榮橋縣治東一名羅漢橋唐開元中建

新坊橋縣治東南晉陵武進舊於此分界梁大同元年建跨舊運河元皇慶間重建明弘治十一年重修

元豐橋縣治東舊名飛鳳一名殷橋唐如意元年建宋元豐初重建故名

橫林橋縣東南三十里跨運河元至正中建明正德中重建

戚墅堰橋縣東三十里三山港口明成化中建

惠政橋俗名十五洞橋跨白魚港通南運河弘治九年建

右陽湖縣

大市橋舊名利津其水通無錫縣治前隋大業八年始
建木橋宋嘉定中易石元至元中重建

中市橋跨弦河 南市橋跨弦河

駐驄橋縣治後御史葛桓建故名

梁溪橋城西俗呼西門橋隋大業中置石梁下分三洞

明嘉靖中燬於倭後易以巨木水勢最急

洛社橋縣西北三十里跨運河唐麟德中建

香花橋在楊尖常熟分界處

西定橋縣城西南一里跨梁涇明嘉靖中建下為五洞

舊有亭以便登覽據一邑湖山之勝今圯

中橋跨馬蠡港元泰定中建

斗門橋跨運河通江陰縣

陽春橋縣南城外即跨塘橋明洪武初建

清寧橋跨塘橋南明萬曆中建

國朝康熙八年重建

望亭橋一名通吳橋蘇州分界

鳳光橋跨箭河唐武德三年建

右無錫縣

承賢橋金匱縣稅務局南跨第三箭河明萬曆間建高

攀龍有記

馬鎮大橋跨江陰界河

亭子橋縣東南二里一名熙春橋跨運河

蓮蓉橋縣北俗名大橋唐貞觀中建明正統中改建

高橋明正統中巡撫周忱建弘治中重修

石埭橋跨九里河通常熟 盧其橋跨琅琊瀆

右金匱縣

文亨橋江陰縣治東跨黃田港明弘治中建

堰橋縣治東跨橫河

善教橋縣南舊名驛橋一名善政橋宋建跨黃田港

北新橋縣東四十五里相接者曰南新橋俱跨蔡港

言橋子游裔孫寓此因名 蘇墅橋蘇軾別業因名

慈雲橋縣東南一名新橋入長河第一橋明萬曆中建

廣濟橋縣東南舊名東板橋跨長河明嘉靖初建

夏港橋縣西十里夏港鎮宋紹定中建長三十五丈江

湖衝突歲久崩壞明永樂初重建

右江陰縣

長橋宜興縣治正南二十步高二丈七尺長二十五步

卽周處斬蛟之所 通利橋縣治跨西水關

陳塘橋縣西二十七里 高橋北門外

福德橋西門外跨運河明洪武初建嘉靖四十年重修

葛墟橋縣北三十里跨運河

湛瀆橋縣北十五里跨湛瀆元至元間建

歸美橋縣東北跨運河宋寶慶間建元大德間重建改

名斜橋

右宜興縣

廣濟橋荆溪縣治東南跨東水關舊以木為之明正統間易以石

渡濟橋橋西溧陽橋東荆溪

流杯橋縣南六里

宋方橋縣東南五十里元至正間建

杜橋大東門外一名土橋俗呼蝦蟇橋相傳為杜牧之水榭故名杜橋

文定橋在徐舍跨運河

張渚大橋縣西南六十里明嘉靖四十三年建

國朝順治七年重建 玉帶橋縣西南六十里

篠里大橋慈湖溪七十二澗合流處

右荆溪縣

平政橋靖江縣治南

龍驤橋縣治東跨市河

鳳鳴橋縣治西

平惠橋南門外跨城濠

豐樂橋東門外跨城濠

西水橋西門外跨城濠

殷仁橋北門外跨城濠

劍池橋縣南官路達江至此為半相傳張士誠將朱定

徐泰走馬畫溝處

陽復橋北門外七里

永興橋太平團蔡家港

右靖江縣

魏村鎮武進縣西北五十里宋淳熙中置魏村水寨明

季嘗添設防禦百戶所於此

阜通鎮縣西北九十里舊名萬歲鎮宋嘗分置稅務局

於此

新橋鎮縣西北九十里

奔牛鎮縣西三十里亦名奔牛塘相傳古有金牛奔此故名前明置巡司又設遞運所於此今遞運所奉裁巡司如舊

青城鎮縣西北六十里唐大順初泰州賊孫儒遣其黨劉建鋒據常州楊行密遣李友屯青城拒之卽此

右武進縣

橫林鎮陽湖縣東南三十五里又東南五十里至無錫縣爲運道通渠
石堰鎮縣東北三十里

右陽湖縣

前馬鎮無錫縣北四十六里

玉祁鎮縣西北四十里

潘葑鎮縣西北十八里朱梁乾化三年吳越攻常州營於潘葑卽此爲往來孔道
洛社鎮縣西北四十里

望亭鎮縣東南四十五里接吳縣界舊有御亭吳大帝所立隋開皇九年置爲驛唐常州刺史李襲譽改曰望亭驛鎮西有石壘城東西六十步高七尺晉咸和三年顧颺拒蘇峻時所築也明置巡司今因之

右無錫縣

甘露鎮金匱縣東六十里唐大順三年甘露鎮俠陳可言據常州卽此元置巡司明革

版村鎮縣東五十里

顧莊鎮縣東北十里

蕩口鎮縣東五十五里民居稠密有城華氏所築
牛塘市縣東五十里

右金匱縣

楊舍鎮江陰縣東七十五里商旅輳集宋設官兵守衛
為沿江衝要明嘉靖間倭亂築城以叅將領之與常熟
之福山通州之狼山相為應援

國朝改設水師守備

華墅鎮縣東四十里相近又有長壽鎮俱為市易之地
青陽鎮縣南四十里運河所經

夏港鎮縣西十五里帆檣相屬綿亘數里蓋上游之入

閩越者必經泊焉明天順中移利港巡司於此今裁

蔡涇鎮縣西南十里

長涇市縣東六十里與無錫接界民居繁庶由此出常
熟亦為通道

右江陰縣

河橋市在宜興縣治

下邳鎮市縣東北三十五里有巡司

右宜興縣

湖汊鎮荆溪縣東南三十五里有巡司

張渚鎮縣西南六十里宋鎮也元設茶園提領所二處
以掌茶稅明初改設批驗茶引所又置張渚巡司嘉靖

中以批驗茶引所併入巡司今因之

篠里市縣西南七十里 蜀山市縣東南三十五里

右荆溪縣

東阜鎮靖江縣東三十里舊名斜橋市商民萃處分兵
防守

生祠堂鎮縣西十七里北連泰興南通大江商旅往來
舟楫交通處也 新豐市鎮縣西三十五里

西寧鎮縣西四十五里舊名鎮海市距泰興新市五里
民居稠密百貨駢集為邑巨鎮

右靖江縣

江南通志卷二十五終

江南通志卷二十六

輿地志

關津 二橋梁鎮市附 鎮淮揚徐四府大海通三州

鎮江府 無關

西津渡在丹徒縣西北九里北與瓜洲對岸舊名蒜山
渡宋乾道中郡守蔡洸置五艘以禦風濤元延祐中增
船十五明正統間巡撫周忱作二巨艦僉木工三十餘
人又甃石堤三十餘丈

國朝京口設有護漕救生船康熙四十六年

聖祖南幸駐蹕茱萸河以救生船少

特諭巡撫于準議行添設乃選京口漁舟計六十餘隻日用其

六更番應調活一人者予一金死者畀三之一著為例
又捐置義田五百畝以其歲入給工費犒賞有餘則儲
為來歲之用鎮江知府馮庭棠為記勒石唐杜牧之有
詩

國朝姜宸英有義渡贍產碑文

自岷山導江而下出峽汗漫數千里至金焦一東水旋行

逆折然後朝宗於海此曹子桓所為臨江賦詩徘徊而不敢進者也然余考之史記秦始皇登會稽還從江乘渡註其地在句容縣北六十里不知何時復徙瓜步梁庾信集有奉命使北始渡瓜步江詩至唐開元二十二年刺史齊澣以舟行繞瓜步回遠六十里始從京口埭下直趨渡江路徑而免漂溺之患故自唐至今瓜步渡者皆徙而之京口然往時京口與楊子橋對岸瓜洲特江中一洲耳後瓜洲以北淤漲與楊子橋連南直對潤州江身益狹江身狹則水流益汎急舟緣金山之麓而行春秋之間上流泛漲山水相搏觸漩而為渦激而成湍雖恬風霽景猶懼變生不測少遇風波失利一匏千金故京口之渡為天下最險余六月渡江登金山見山

足艤舟五六舟人操楫而坐若有待者寺僧深爽進曰此為濟渡之舟自巡撫某公設此後凡有事於茲上者及往來行旅各捐俸及資益造舟買田置市租以贍水手之稍食及其賞格之費焉然久滋易弛也某懼斯人之弗脫於險而大壞前功願得一言以示來者余惟易既濟稱君子思患而預防其說在六四爻曰繻有衣袽終日戒夫涉川者不能戒之於未濟之前特恃其一舟之無隙以與彼狂飈駭浪爭命於呼吸之頃固且不可況於待其既濡然後操舟而拯之此與夫救火者之焦頭爛額何以異然而聖人之慮患也徧視夫事之可需者則需之有需之不能不得已而濟者則終日戒之至不得已而瀕於死亡矣乃忽然而得生彼仁人者之於此視夫人之脫之死而易之生其心樂不樂也自數舟者之設常歲活人以前觀之彼四五百人者皆江上之遊魂人矣由十年以前觀之彼四五百人者皆江上之遊魂水府之鬼錄也然則使自今十年之後之人有一不得濟以淪胥以亡者於吾心不且有戚戚乎哉若夫推前人之心以繼於無窮此則思患豫防之道宜如是也深爽學佛者也為佛之學者使人求福於冥冥其說多幻妄不可信深爽獨能推廣有司德意使人之得免於險阨且曰吾佛之道固然其為世利益多矣余樂其有是

請也
而書

石公渡縣東北六里石公山下

大港渡縣東北大港鎮西 高資渡縣治西四十里

甘露港渡 右丹徒

李莊渡丹陽縣東南五十里

周家渡 花家渡 右丹陽

蔣家渡金壇縣北十里 官載渡縣北十五里

龍宿渡縣東石牌村北 右金壇

清風橋丹徒縣治南跨關河宋景祐間郡守范希文重建又名范公橋

嘉定橋縣治西南舊名利民橋跨關河宋淳熙中郡守

錢良臣甃以石覆亭其上人呼爲錢公橋嘉定中復甃之故又名嘉定橋

千秋橋縣治西跨關河晉王恭作萬歲樓於城上橋與樓相對因名千秋

綠水橋縣治北跨關河舊爲游觀之勝唐杜牧之有詩俗呼爲高橋 昇仙橋城南鶴林寺前

大鶴鳴橋城東南一名孩兒橋上有石欄

惠民橋縣東十五里丹徒鎮

澗壁橋在澗壁鎮跨澗壁港

大港橋在大港鎮

馬公橋縣東南四十里新豐鎮跨漕河舊名陸公橋

國朝康熙十年橋圯巡撫馬祐重建因改今名

秦運橋府城南門外跨運河爲吳郡往來孔道

丁卯橋縣南三里跨運河晉元帝子哀鎮廣陵運糧出京口水涸奏請立埭以丁卯日制可後人構橋因名唐許渾築別墅於其側

丁角橋縣西南七十里丁角鎮

通阜橋府西門外舊爲板橋以當江寧衝道明萬曆中甃以甃

洗馬橋城西京口驛以唐太子洗馬陳翬所建因名

高資橋縣西五十里宋延祐中建

鎮西橋城西北舊名拖板橋元至順二年重建尋又圯

明正統中重建

右丹徒縣

雲陽橋丹陽縣治東跨漕河舊名清化橋又名賢橋宋

嘉熙中建後圯淳化中重建弘治間濬漕河拆毀尋復建

惠政橋雲陽橋右俗名斜橋明成化中建

三思橋縣治南大德間重建覆亭其上

七里橋縣東南七里漕渠南岸珥瀆河宋元祐中建明

嘉靖間知縣來汝賢改名麥舟橋以宋范純仁贈石曼卿麥舟於此

嘉成橋縣南四十里珥村鎮宋嘉定中建

泰定橋縣東呂城鎮一名大橋跨漕河元泰定中建

蕭塘橋縣東二十里蕭塘港一名顏橋元泰定間建

博望橋縣東四十里

西楊橋縣東南四十里跨丁義瀆一名安豐橋元至正

間建

馬林橋縣西北跨辰溪長山八十四派水皆由此入練

湖宋嘉定中建

花埠橋縣北二十里花埠鋪前明洪武中建

丁橋縣西七十里丁橋鎮相傳以丁令威得名

黃堰橋在縣西南四十五里亦名通德橋宋咸平中建

馬嘶橋縣北六十里跨馬嘶港

寨橋縣北七十里

萬年橋縣南延陵鎮唐貞觀中建其後屢圯屢建

右丹陽縣

春雨橋溧陽縣治東舊名春市橋俗呼為中橋宋嘉定

中建時久旱得雨因名陳子高詩屐聲春市兩人語夜

橋燈即此

胥渚橋縣東四里

硯瀆橋縣治東北謝元暉洗硯處

秦公橋縣東南一里俗呼為下橋

鳳凰橋縣北一里雙虹如翼俗呼為雙橋

國朝朱雯有重建雙橋記

古聖人制度之興凡以前民利用故城郭廬舍而外復有橋梁之制

其來尚矣王政火觀道弗歲十一月徒杠成十二月輿梁成咸以濟民也其初始於架木後世或甃以石或浮

以航惟因乎地之宜故周文造舟於渭秦公子鍼造舟於河迄今載之史傳不綦重哉溧陽為金陵輔邑其東南多山若金雞石屋盤白諸勝列如翠屏鬱然也獨西北皆陂池塘澤洪流巨浸集建平高淳諸道之水而匯於茲焉間史水記曰溧陽之水東而南水之去道也西而北水之來道也蓋由固城五堰而下經昇平三埭會於溧水之曹姥山然後直注於雙橋即今所稱鳳凰橋者嗣是繞城分三流而入於荆瀨諸溪則茲橋其鎖鑰云地為通衢往來所聚肩摩轂擊不能塞裳而往也明弘治初邑令新符公建雙橋跨其上以便行旅歲月奄曠橋制傾圯邑吏部史公復鳩工而新之沈青霞先生為之記茲閱百年而履跡上徹木蠹下嚼不無爛浥解拆之患壬戌冬予署篆茲邑觀舊制之將頽也蹙然憂之曰橋梁之制王政先之凡以利民也昔陳少游為觀察使設梁以禦虐水生民賴之至今呼為大夫橋杜預造橋梁於平津眾論翕然以為不可預力任之梁成而君賞其功民拜其惠十世誦之不衰豈非利民之事為士君子所不可諉乎獨予貧吏不能勉力任事如兩公而輸民力以供興作又勞民傷財之是懼幸有善者同力而肇舉之以聚沙成塔之心成鞭石為橋之果懸墾山伐木之雇募其力揆攢鑿撞秘之用庇其工具昇輦畚築之器備其用俾輸棟楹者若干輸蔣櫨者若干輸

甃甃者若干版築具興材殖互飭將不日而告厥成焉將見二水中分夾綵紅而並跨雙橋齊峙駕明鏡以參差是固予之志也夫不然則時之沍寒民將胥溺亦鳩爾眾而備王政之一端歟

嘉定橋去縣四十里跨中江一名中江橋唐開元間嘗

荆浮梁宋元祐三年建橋曰眾樂嘉定中重建改今名

上興埠橋去縣六十里

安樂橋去縣三十五里隋大業初建以甃甃兩岸故又

名甃橋

南渡橋去縣三十五里

渡濟橋去縣十二里跨瀨水萬曆中建傍有伍相國祠

鎮安橋縣南三十里戴埠鎮諸山澗水皆匯於此

右溧陽縣

文清橋金壇縣治東百步舊名行香橋又名惠政橋宋

淳熙中建端平中又撤而新之改今名

清河橋縣南二百步舊名安定橋宋端平中斃以石改今名俗呼為文橋

鍾秀橋縣北三里舊名懷德橋明成化中建嘉靖中斃以石又名鐘橋相傳古有銅鐘流至此故名

濯纓橋縣北九里舊名三里岸橋茅山水自此出運河明弘治中斃以石下為三洞

蓮渚橋縣東北八里明萬曆初建

周公橋縣東南五里跨錢貲蕩即舊刁莊渡明弘治間構木橋萬曆中易以石

觀龍橋縣西南二里舊名社橋以明太祖曾經此易今

名

晝錦橋縣東八里石牌村宋紹興中建

大雲橋縣東南四十里洮湖西北岸舊為彭期渡元大

德間築長堤建石梁為宜興溧陽往來孔道

東墟大橋縣西二十三里跨大溪為茅山水所經明正

德間建

莊城橋縣西北三十里為唐儲光羲故居

高下湖口橋縣北八里明永樂間圯弘治中復建

唐王橋縣西四十里唐王村一名雙橋

右金壇縣

丹徒鎮丹徒縣東十五里運道所經商旅輻輳有東西

江南通志 卷二十一
二港皆通大江達運河或曰鎮卽故丹徒縣今土人稱
爲舊縣有巡司

大港鎮縣東南四十里以通大港而名又東四十里安
港口有安港巡司明洪武初置今因之
新豐鎮縣東南四十五里與新豐塘相近唐至德二年
趙侃等濟江至新豐大敗永王璘卽此陸游云李太白
詩南國新豐酒東山小妓歌又唐人詩再入新豐市猶
聞舊酒香皆謂此非長安新豐也
高資鎮縣西五十里明洪武初置高資巡司并置驛今
因之
丁角鎮縣西南七十里

右丹徒縣

呂城鎮丹陽縣南五十里明洪武初置呂城巡司今因
之

延陵鎮縣南三十五里卽故延陵縣也唐熙寧五年省
縣爲鎮以地分隸丹徒丹陽金壇三縣又置延陵寨於
此
丁橋鎮縣南六十里

珥村鎮縣西南四十里珥瀆河西岸南接金壇縣界
埠城鎮縣東北五里接武進縣界

右丹陽縣

戴埠鎮溧陽縣南三十里爲入南山總路凡山中所產
載至鎮始登舟

甓橋鎮縣北三十里舟往金壇者必經此亦一孔道

社渚鎮縣西南六十里

上興埠縣西北六十里赴江寧者路必經此舊設巡檢

司今裁

右溧陽縣

廸莊金壇縣西南二十五里

直里在縣西三十里

莊城在縣西北三十里

西陽在縣西七十里

倪莊在縣西七十里

右金壇縣

淮安府

南鎖關在山陽縣南一里

安樂關縣西北三里

柳淮關縣東門外三里一名下關

雲梯關縣東北二百里淮北海口其地有一套至十三

套

板廂關縣西二十里運河之北關差駐劄

右山陽

海關阜寧縣小南門外

北關清河縣東南通濟廂口有部司收稅

五港口護鹽關安東縣東北七十里元至元九年遣步

騎連州攻破射龍溝五港口鹽場白頭河四處城堡即

其地

三岔關桃源縣東三十里明初設關有巡檢司查納稅

封明末改移白洋河今設巡檢司於此

上關渡山陽縣來遠坊之西

下關渡舊淮陰驛後 清河渡縣西南十五里

顏家河渡黃河自清江浦東下十里草灣分南北二支

其北十五里即顏家河也

清江浦渡郡城西三十里 右山陽

喻口渡鹽城縣北一百二十里為淮河津要

清溝渡阜寧縣西南百里

小清口渡清河縣東北五里

夏家湖口渡縣西北二十五里

王家營渡

大清口渡縣東北十里 右清河

淮河渡安東縣壩上巡司前

五丈河渡縣東北三十里

五港口渡縣東北七十里 右安東

白洋河渡桃源縣西六十里

崔鎮渡縣西北三十里

縣北渡縣北三百六十步 右桃源

東仁橋山陽縣新城東門外

西義橋新城西門外舊名西鐵橋行旅輳集之所

平河橋縣南四十里南至寶應六十里為往來通衢

周家橋縣西南九十里北去高家堰五十里又南為翟

家壩淮水東溢往往從此奔衝隄防至要

羅家橋縣西北三里羅家溝

伏龍橋縣東八十里

通津橋縣東北十里

右山陽縣

會龍橋阜寧縣東南

拱極橋縣東北

昇仙橋縣西南清溝鎮

右阜寧縣

登瀛橋鹽城縣西門外

通海橋縣北門外

通濟橋縣東南五祐鎮

永安橋縣北新興鎮

方橋縣西岡門鎮

仁和橋縣西南沙溝鎮

新陽浦橋縣西一百二十里

右鹽城縣

洩水橋三座清河縣汪家窪

屠家橋在屠家莊

三孔橋在賀家堆雍正八年奉

旨動帑興築通京道路自王家營起至通州止於清河縣境內

建洩水屠家莊三孔等橋以便往來商旅

石人溝橋縣西十里

湯家澗橋縣北六十里

中和浮橋一在縣東青龍菴一在縣西雙金牖一在王

家營

沙埠橋縣東南六十里

霍山澗橋縣西南九十里

棠梨溝橋縣北十里

爬泥蕩橋縣北七十里

瓦子灘橋縣東北三十里

右清河縣

化龍橋安東縣治東

文衢橋縣東又名分司橋

東市橋縣東

西市橋縣北半里

太平橋縣北一里因近太平鎮故名

蘭墩河橋縣東北四十里 過蠻河橋縣東北七十里

平望河橋縣東北八十里 夏家口橋縣北三十里

白洋河橋縣東北九十里 鹽場河橋縣東北一百里

右安東縣

張四冲橋桃源縣東二十里

蕭家橋縣南五里

崇河橋縣北四十里

赤鯉湖橋縣北七十里

穿城橋縣北穿城集通宿遷沐陽大道

右桃源縣

西湖嘴市山陽縣運河東岸舟楫停埠商賈駢集邱瓊

山有詩

版牘鎮縣西二十里

清江浦鎮縣城西三十里古名公路浦又名淮浦水陸

孔道百貨叢集

劉莊在縣東南一百五十里明嘉靖中倭據廟灣東侵

淮安官兵敗之於姚家蕩又敗之於劉莊卽此

廟灣鎮縣東北一百八十里爲郡境要隘海舟鱗集商

貨阜通有鹽場萬曆二十二年築城周四里高二丈餘

右山陽縣

馬邏鎮阜寧縣東北九十里元至元十二年於此置馬

邏軍寨有巡司

童營鎮縣西北六十里

羊寨鎮縣西五十里

東溝鎮縣西南五十里

朦朧鎮縣西南六十里

北沙鎮縣西北五十里

清溝鎮縣西南百里

伍祐鎮縣東南三十里羊寨鄉有伍祐鹽場

右阜寧縣

沙溝鎮鹽城縣西南一百里有巡司

岡門鎮縣西十八里

新河鎮縣西五十里

安豐鎮縣西南一百二十里

大岡鎮縣西南五十里

喻口鎮縣西北一百二十里宋紹定三年李全據楚州

造浮橋於喻口以便鹽城往來卽此

新興鎮縣北十八里有新興鹽場

姚宗場縣西北商賈輳集爲濱河大鎮其北爲山陽劉莊

右鹽城縣

馬頭鎮清河縣東五里近淮陰故城爲漕運往來要道

明置巡司今因之

吳城鎮縣西二十里

洪澤鎮縣東南六十里濱淮河南北孔道設洪澤驛及巡司自高堰築後湖水汎溢鎮遂湮廢

老子山鎮縣西南一百里與泗州盱眙接界

漁溝鎮縣北四十里舊有水道通海口唐皇甫冉有詩
澗橋鎮縣北六十里鎮西有湯家澗

官亭鎮縣北九十里舊名崇河集明初都金陵此爲山
東驛傳中道設爬泥蕩鋪建有官亭故名

大河口鎮縣東北五里卽本縣舊治

王家營鎮縣東北三十里入京孔道雇役車騾必出於
此爲一縣大鎮

娘子莊鎮縣東北五十里

永興集縣東北八十里與山陽接界

右清河縣

阜民鎮安東縣北三十里 金城鎮縣北三十里

長樂鎮縣西北一百里有巡司白頭護鹽關設於此與

海州新安鎮交界

魚場口鎮縣東北一百三十里

南門市

化龍橋市

廟後市

右安東縣

三義鎮桃源縣東三十里舊名三泖鎮明置巡司今因
之

白洋河鎮縣北六十里商民輻輳鎮有市橋與宿遷縣
分界橋東桃源縣橋西宿遷縣舊有巡司

國朝順治中設遊擊駐防今裁

崔鎮縣西三十里

張四冲鎮縣東二十里

河北鎮縣北二里卽重興集

赤鯉湖鎮縣北八十里

丁市岡集縣西南四十里

右桃源縣

易州府

鈔關在挹江門外南連吳會北擁長淮西接濠滁東通

大海天下水陸要衝有關差駐劄

趙公渡鈔關浮橋東

白馬廟渡南門外白馬廟前

瓜洲渡縣南四十五里瓜洲鎮與江南鎮江相對江面

十餘里唐張佑有瓜洲聞曉角詩宋王安石有船泊瓜

洲詩

安樂渡縣北五十七里一名小張家渡

高江渡縣北六十五里路達高郵州界 右江都

黃泥灘渡儀徵縣西南四里元許謙有詩

新城渡縣東十里 花園渡縣西十里

樸樹灣渡縣東三十里

石人頭渡縣東四十里接江都縣界

瓜步渡縣西南四十里接六合縣界

建安渡縣西南宋太祖斬杜著處 右儀徵

南門渡高郵州城南

西門渡州城西門外西北通天長泗州界

車邏渡州南十五里 白家渡州西南四十五里

張公渡州西南四十里

閔家橋渡州平柯東村 右高郵

龍舌津興化縣東門外 南津縣南門外 右興化

白田渡寶應縣南門外 晏村渡縣西南七里

蔣家渡縣西十五里 黎城渡縣西黎城鎮

白馬渡縣西北白馬湖邊 三里渡縣北三里

黃浦渡縣北黃浦鎮 右寶應

新城渡泰州北五里 王家渡州西南十里

沈家渡州西十五里 右泰州

通泗橋江都縣治東東西跨市河其水通淮泗故名

太平橋縣治東南跨市河 文津橋府學東跨市河

止馬橋東門外明武宗南巡百官至此下馬因名

鈔關浮橋新城挹江門外戶部分司前

九龍橋縣南三里官河東岸

楊子橋縣南十五里自古爲戰守要地唐開元以後爲

沙洲所隔齊澣開伊婁河於楊子橋南遂爲往來通津

今運舟西自儀徵南自瓜洲至此合而北蓋總會之所

也

紅橋北門外翼以朱欄岸多荷花爲郡人遊觀之地

小市橋在北水關俗名宵市橋相傳隋煬帝時於此開

夜市故名 法海橋法海寺前

槐家橋縣北十五里跨槐家河唐末楊行密張神劍屯

兵處

大橋縣東五十里一名帶橋

右江都縣

天寧橋甘泉縣北門外天寧寺前

惠政橋縣北邵伯鎮舊傳謝安以政惠民故名

寶公橋邵伯鎮南

鳳凰橋

壁虎橋

右甘泉縣

望江橋儀徵縣治南跨裏河卽今鼓樓橋

通濟橋縣東卽東關浮橋

澄江橋縣東南俗呼天寧橋

仁壽橋縣南跨外河

飛虹橋縣南三里三壩東

何家港橋縣東南二十里明嘉靖中建石梁爲瓜洲京

口通衢

龍門橋縣南十二里

胥浦橋縣西十里相傳伍子胥入吳渡江處

右儀徵縣

安定橋高郵州治西南舊名南濯衣橋

通濟橋安定橋北舊名北濯衣橋

澄清橋州治東

多寶樓橋州北門外商賈輻輳之所

新橋州南門外跨濠河

稅務橋古名遐觀橋在稅務局前宋嘉定年建

通湖橋在州新河堤

吳家橋州城西南三十里太師港口

三星汪橋州東南十五里俗名三仙灣橋州志云每年除夜有仙人作左絞稻草繩纏於橋樁上繩之高下其年之水必如之不差分寸居人相約於除夜往候一無所見至曉視之而繩已在樁上矣其相接處無痕跡人雖極力效之終不能成亦一異也

高橋州東四里白塔河

右高郵州

中和橋興化縣治西南卽八字橋相近爲永福橋東來之水自此支而北中和永福兩橋跨之參差如八字然

文林橋縣西南跨市河

羅漢橋縣西寶嚴寺前

豐樂橋縣西河口鎮與高郵州分界

萬善橋在勝湖里龍珠禪院前

右興化縣

嘉定橋寶應縣治跨市河舊名孝仙橋宋嘉定中重建改今名

廣惠橋縣治西南跨市河俗呼爲新橋

瑞芝橋縣東門內宋元豐三年建產芝五莖因名

通海橋縣北門外舊名遺愛橋

五里橋縣南五里汜光湖口

汜光橋南四十里汜光湖上

潘家大橋在瓦溝溪

右寶應縣

太和橋泰州治東南一名州橋跨市河宋紹興中建

樂真橋州治南宋淳熙十二年建嘉定七年重建

豐利橋城南水關上舊名暮春橋宋淳熙三年建

泰寧橋州治南宋淳熙中建跨中市河

谿光橋市河東

鳳凰橋州治東跨長堤

經武橋州治西南跨西市河宋嘉定中建

濟川橋南門外一名高橋跨運鹽河為如臯通州孔道

明正統間建

蓋湯橋州北三里相傳宋太祖至州民有獻蓋湯者飲

而甘之因以名橋

朝宗橋州北西溪鎮

右泰州

瓜洲鎮江都縣南四十里有巡司揚子江中沙磧也沙

漸漲出狀如瓜字接揚子渡口民居其上自唐開元以

來漸為南北襟喉之處明嘉靖間以倭警築城設守備

等員

國朝設瓜洲水營叅將西接儀徵東接三江口四面防守

萬壽鎮縣東四十里

上官鎮縣西北六十里上官橋有巡司

宜陵鎮縣東北六十里地勢高阜居民稠密自灣頭達

泰州之通道也 六十里 大橋鎮縣東五十里

右江都縣

邵伯鎮甘泉縣北四十五里官河東岸商民輻輳帆檣雲集明初置巡司又置邵伯遞運於此今因之

大儀鎮縣西七十里接天長縣界宋紹興四年韓世忠於此勒五陣設伏兵二十餘所大敗金人世謂大儀之捷為中興武功第一蓋其地也

右甘泉縣

新城鎮儀徵縣東十里運河所經商民湊集之地

石人頭鎮縣東四十里 瓜步鎮縣西五十里

何家溝鎮縣東南二十五里

右儀徵縣

三垛鎮高郵州東四十里建炎中岳飛屯軍於此以禦

金兵三戰三捷其地有三垛橋跨山陽河四十里

車邏鎮州南十五里

北阿鎮州西北八十里接寶應縣界晉僑置幽州於此

張家溝鎮州北三十里明置巡司今裁

界首鎮州北六十里接寶應縣界

樊汭鎮州東南六十里接江都泰州界

時堡鎮州東北百二十里有巡司

右高郵州

陵亭鎮興化縣南三十五里唐大順初朱全忠將龐師

古攻下天長高郵引兵深入與賊將孫儒戰於陵亭卽
此
長安鎮縣北三十五里

芙蓉鎮縣東北三十五里
安豐鎮縣東北六十里明置巡司今因之

右興化縣

射陽鎮寶應縣東四十里本縣故城臨湖周遭百餘里

古射陂地

槐樓鎮縣南二十里運河堤上有巡司

瓦甸鎮縣南三十里
汜水鎮縣南四十里

衡陽鎮縣西南百二十里有巡司

黎城鎮縣西九十里
黃浦鎮縣北二十里

右寶應縣

姜堰鎮泰州東四十五里臨運鹽河

海安鎮州東一百二十里唐置海安縣後廢爲鎮居如

臯泰州之中東可以控禦狼山通州西可以捍衛揚州

明置巡司今因之

斗門鎮州南三十里接江都界宋淮南轉運副使吳遵

路置斗門以資蓄洩因以名鎮

港口鎮州東北十八里北濱運河

寧鄉鎮州東北六十里隋置寧鄉縣後改爲鎮明設巡

司今因之

西溪鎮州東北百二十里商賈萃聚之地宋有西溪鹽

倉天聖中范仲淹監西溪倉卽此明設巡司今因之

右泰州

徐州府 無關

呂梁渡 東北十八里北流 喬家渡

末直渡 右銅山

冀門渡蕭縣西北十里 曲里渡縣西北三十里

東鎮渡縣西北五十里

朱珊渡縣西北二十里 右蕭縣

沂河渡邳州西北一里 泗水渡州南二里

武河渡州西南六里 龍化渡州北三十五里

張村渡州北七十里 右邳州

皇華渡宿遷縣治西南一里

新路口渡縣西一里 小河口渡縣南十里

直河渡縣南十里 右宿遷

廟灣渡睢寧縣西北二里睢水南北之衝

麻墩渡縣北三十里 右睢寧

東門橋府東門內洩城中積水出東南隅水門入支河

荆山口石橋在銅山縣城東北二十里山前有河甚廣

下多亂石舊有橋跨其上為南北通衢後圯里人張膽

捐二萬六千金壘石為長橋數里人甚便之

柳泉橋縣東北鳳凰山下 九里溝橋縣寒山堰上

楚溝橋縣南十五里 永濟橋在呂梁下洪

黃家橋在呂梁上洪

右銅山縣

永固橋蕭縣南永固山下一名董大橋

廟橋縣東南妙嶠山西 天門橋縣東南天門山

萇池橋縣東南白土山北俗名響水橋

桃山橋縣東南桃山 陶墟橋縣東南黃桑谷南

周瞳橋縣東南龍泉山下 錦川橋縣西南紅亭鄉

仙臺橋縣北五里三仙臺下

吉安橋縣西北趙家圈

右蕭縣

鞏濟橋碭山縣東門外 五王鋪橋縣東三十五里

狐父橋縣南三十五里史記曹參破秦軍取碭狐父即此

右碭山縣

天津橋豐縣北門內 白洋橋南門外一里

泡橋縣東七里 龍霧橋縣東北五里

嵐橋在嵐山前 人鞏橋縣北二十里

大聖橋縣東北四十里

右豐縣

飛雲橋沛縣南門外相傳為思漢祖歌大風建河水經其下入泗水為往來津要 鴻溝橋縣東十里

沙河橋縣之沙河渡 震遠橋縣東夏鎮

右沛縣

玉虹橋邳州東北一里舊名沂水橋

黃家溝橋州東北十里溜溝橋州東二十里

洪河橋州東南三十里

步雲橋州西北四十里一名五丈橋

高橋州西北三十五里橫溝橋州西北一百里

履坦橋州北二十里

營河橋州北九十里伽口集東

登龍橋州北一百二十里舊名石橋

薑石橋州北一百二十里地石如薑

右邳州

朝陽橋宿遷縣南三里上口橋縣南十里

迎恩橋縣西四里

廣濟橋宿遷舊縣北一里拱宸橋縣北四里

管坊湖橋縣北四十里其地廣袤可十里北極青齊南

通吳楚往來輪蹄不絕伏秋淫雨泥淖難行萬曆丙申

知縣何東鳳甃石建橋自為記

坡石橋縣北圍田湖

右宿遷縣

通濟橋睢寧縣北關外余家橋縣東二里

白龍橋縣南二里呂公橋縣南二十里

戚家橋縣南二十五里邵公橋縣南十五里

右睢寧縣

卞塘鎮在銅山縣東昌化鄉以近卞塘湖故名九域志
彭城縣有卞塘呂梁二鎮府志為卞塘集
呂梁鎮府志為呂梁集有巡司

右銅山縣

永固鎮蕭縣東南二十里 永寧鎮縣西三十里
安民鎮一名東鎮縣西四十里

趙家園縣西北六十里大河北岸津要處明設巡司
國朝兼設蕭營守備駐防康熙三十年巡司移駐張山店

右蕭縣

西鎮店碭山縣東五十里有公館

南鎮集縣南十八里 北鎮集縣西北十五里

王達店縣西三十五里 雙溝集縣東北十五里

毛城集縣東三十里

右碭山縣

艾村集豐縣東南十五里今名杏花集又午溝集在縣
南五十里西即碭山界朱溫生長于此今沒於河

華山集縣東南三十里 棠林集縣南二十里

苗城集縣西南二十里 忽城集縣北三十里

司馬集縣西北三十五里相傳有浮陽侯司馬耀封此

右豐縣

夏鎮沛縣東北四十里新河西岸北即滕縣界有管界

分司及泗亭驛明萬曆十六年築夏鎮城

沙河鎮縣西北六十里有公館

戚山集縣西南三十里有公館

右沛縣

直河鎮邳州東南六十里明初置直河驛嘉靖中改置

巡司今因之

新安鎮州西六十里濱河接睢寧界明初置新安驛嘉

靖中改置巡司今因之

余行鎮州北八十里

泖口鎮州西北九十里接山東嶧縣界

源雀鎮州東北金史保大中棄山東地惟戍守邳州源

雀鎮蓋其地當山東衝要也

右邳州

劉馬莊宿遷縣北一百二十里一名劉家莊有巡司

邵店鎮縣東北五十里小河口鎮縣東南十里

白洋河鎮縣東南四十里與桃源接界

脫車頭鎮縣西北四十里司吾鎮縣北六十里

歸仁集縣東南仰化集縣東二十里

右宿遷縣

高作鎮睢寧縣東十五里

子仙鎮縣西南三十里廟灣鎮縣西北二里

新安鎮縣西北五十里有巡司

木社鎮縣北五十里接州界

沙家集縣東三十里舊有行署今無存

興隆集縣北四十里沙坊集縣東北三十里

楓山集縣東北四十里

右睢寧縣

太倉州

張涇關在州南三里又半涇關在州東三里吳塘關在

州西三里古城關在州北三里舊志元時四關俱屬水

軍都萬戶府明初屬太倉衛俱分撥官軍掌守後水道

湮塞半涇等三關皆廢唯存張涇一關

張涇渡太倉南關

施翹河渡崇明至太倉七丫港海面四十里

合浜渡崇明縣西平洋沙

界浜渡寶山縣與上海分界

海門第一橋太倉州東水關內即周涇橋

武陵橋鎮海衛前舊名惠安橋

安福橋州城內俗名三洞橋太倉陳門二塘之水至此

交會東出海門第一橋以入海

稅務橋武陵橋西

陳門橋州城內西南跨陳門涇上一名鎮民橋元至順

中建

上岡橋在雙鳳鎮鹽鐵塘

義興橋州東北沙頭鎮跨七浦塘

木魚橋州城南門外普濟寺前一名晉寧橋跨張涇元

袁華宅在其側

右太倉州

湖川塘橋在鎮洋縣治

楊林塘橋

集福橋在鶴王市跨楊林塘

右鎮洋縣

五龍橋崇明縣城東五里壽安寺前

青龍港橋縣東南平洋沙

阜安橋城西四十里東阜平安兩沙交界

外津橋城西三里天妃宮前

欄杆橋縣南沙城南四里

大通橋東北門外跨施翹渡

王丙橋縣東北近享沙

萬安石橋城西二十二里周神廟鎮

右崇明縣

登龍橋嘉定縣治前宋淳祐五年建

賓興橋縣治南文廟前宋淳祐中建明天順中易以石

更名青雲橋

永昌橋晏海門內明萬曆中建

拱星橋縣治東北圓通寺西嘉定中建

香花橋城外護國寺前梁天監間建明萬曆三年重建

石橋

嚴泗橋縣西南二十六里跨安亭浦上與崑山青浦接

界

仙槎橋在南翔鎮

虬橋縣西南黃渡鎮跨吳淞江

六和橋縣西北外岡鎮元泰定中建

公塘橋縣北出劉河界

右嘉定縣

月浦橋寶山縣治東月浦鎮元虞集泊舟玩月於此

海音橋縣西吳淞所西舊名丁家橋

張建浜橋縣南

香花橋在廣福鎮

右寶山縣

雙鳳鎮太倉州北二十四里相傳晉成帝時耕者斲土皆五色中有石函函二龜化為雙鳳而去故以名鄉鎮

亦因之居民稠密地多名跡又名雙林因支道林得名

沙頭鎮州東北三十六里明時為州第一都會

璜涇鎮州東北六十里近鎮有涇涇中有石如璜富人

欲取為山不能起是山根也明成化間剏鎮

塗松市州東北三十五里傍七浦塘舊為塗松鎮宋元

豐間去鎮為市偽吳張士誠嘗築城營兵於此今圯

諸涇市州東十里

甘草市州東七十里舊名甘樹又名甘林東臨大洋洪

武七年置巡司今因之

右太倉州

茜涇鎮鎮洋縣距州東五十里舊出茜草故名即宋楊

林寨吳元年改置巡司又置稅課局今革

新安鎮距州東北三十六里舊名陸公市與嘉定分界

右鎮洋縣

楊家河鎮崇明縣東八里 新鎮縣西北三十三里

平安鎮縣西東阜沙 新開河鎮縣東仙景沙

右崇明縣

南翔鎮嘉定縣南二十四里郡志崑山臨江鄉掘地得

石徑丈嘗有二鶴飛集其上久之鶴去忽有詩云白鶴

南翔去不歸惟留遺跡在名基因建南翔寺卽以名鎮

明置巡司今如故

外岡鎮縣西十二里爲水陸要衝

葛隆鎮縣西北二十里鹽鐵塘西與太倉州分界明成

化中知縣吳哲勅建亦名吳公市

右嘉定縣

羅店鎮寶山縣西北三十六里至元間里人羅昇所勅

故名比間殷富廛市之盛幾與南翔相埒

江灣鎮縣南二十七里其水自吳淞江屈曲入虬江故

名宋紹興中韓世忠以中軍駐江灣卽其地淳祐九年

又置江灣忠節水軍寨元置巡司明因之今裁

高橋鎮縣東南四十里清浦港之尾南連上海界東北

至海西瀕吳淞江

大場鎮縣西南三十六里宋嘗置鹽場於此

月浦鎮縣西北十二里因水而名明設顧涇巡司於此
右寶山縣

海州

北關在海州北五里或云南宋時築此據險戍守紹興
末魏勝敗金人於北關是也

恬風渡海州舊名黑風口後改今名有碑云舟中人衆
休爭渡海上風高且暫停 石湫渡州南二十里

大漣河渡海州新壩之上 伊鎮渡州東南九十里

莞瀆渡州東南一百四十里 龍苴河渡 右海州

小河口渡贛榆縣南五十里 青口渡縣南十里

龍王廟渡縣北二十里 右贛榆

陳村渡沐陽縣西北七里

水口渡縣北八里 右沐陽

虎西橋海州西門外

沙壩橋州城西二里跨薔薇河

洪門橋州城北里許海潮上逆河水下注之處

小伊河橋州東南六十里 下坊橋州南五十里

青伊橋州西南九十里 九洪橋在石湫鎮

板浦鎮橋州東南四十里

右海州

紫陽橋贛榆縣西門外一里通玉帶河

會潮橋縣北十五里舊名大石橋

石羊橋城北五十里 旦頭橋縣北七十里

潮河橋縣北三十五里 青口橋縣南十二里

范家口橋縣南三十里 唐生口橋縣南二十里

小河口橋縣南五十里 浦北橋縣南六十里

栢汪橋縣城北五十里

右贛榆縣

文峰橋沐陽縣南門外 迎恩橋縣東里許

來春橋縣東十五里

朝宗橋縣東八十里以東近大湖眾水所歸故名

窰溝橋縣北二里 桑墟橋縣北四十里

蛤蜊溝橋縣西四十里陰平鎮西里許

右沐陽縣

新壩鎮海州南四十里 大伊鎮去新壩五十里

板浦鎮州東南四十里商賈輻輳之所

莞瀆鎮州東南一百四十里

房山鎮州西南六十里其南為濫泥洪鎮

駝峰鎮州西六十里 博望鎮去駝峰三十里

赤岸鎮州西一百五十里接郟城縣界

右海州

青口鎮贛榆縣東南十里水陸衝要市廛叢集

小沙河鎮縣南十里

大沙河鎮縣南五十里枕岡帶河工賈湊集

臨洪鎮縣南六十里舊有巡司今裁
蠻子灣鎮縣南六十五里

中岡站鎮縣北二十里舊設遞運所今革
班里莊鎮縣西南四十里 青墩鎮縣西十八里

荻水口鎮縣東北七十里與山東安東衛接界五代漢
乾祐二年密州刺史王萬敢擊南唐荻水鎮大掠而還
卽此明初通海運築土城設主事一員永樂中改設巡
司又有遞運所今遞運所裁巡司如故

右贛榆縣

新安鎮在沐陽縣去州大伊鎮六十里接安東縣界
劉莊鎮縣東四十里一名柳莊爲往來孔道

興龍鎮縣東六十里 黃軍營鎮縣南七里

鴻溝鎮縣西南十里 渠頭鎮縣北十五里

陰平鎮縣西北四十里舊爲縣改鎮
王家莊鎮縣西北七里 北下鎮縣西北十里
下埠集縣東九十里人稠貨聚

右沐陽縣

通州 無關

平濟橋在通州治前宋太平興國中建正統間郡人陳
敏構亭其上萬曆四年易以石康熙九年重建

中正橋州治東唐總章二年建

文武橋州治東南近儒學與守禦所故名

文津橋州治東南一名泮宮橋

龍津橋州東門外一名龍王廟橋正統間以木為之成

化間易以石 端平橋西門外洪武初建

衆安橋望江樓外萬曆中重建

魚骨橋州東餘中場相傳以魚骨為之

通濟橋在白蒲鎮落成之日龍現於河又名見龍橋

右通州

宣化橋如臯縣治南舊名牖橋以木為之今易以石

通江橋縣治東跨市河 通濟橋東四十里丁堰鎮

登津橋縣東六十里白蒲鎮

泖陵橋縣西三里 鎮安橋縣西南二十里

西場鎮縣北三十里有巡司

掘港鎮縣東百三十里其東有掘港營去海岸五十里
明嘉靖中設東西二營以守備駐防今因之

右如臯縣

口岸鎮泰興縣西北四十五里即故柴墟鎮宋建炎三
年岳飛駐泰州以無險可恃退保柴墟鎮即此明置巡
司今因之

黃橋鎮縣東四十里即宋永豐鎮嘉靖中官軍敗倭於
此有巡司

曹童橋鎮縣東三十里有印莊巡司

馬橋鎮縣西二十里 三泖鎮縣西二十五里

馬店鎮縣西北二十里又嘶馬鎮在縣西北六十里接
江都界

右泰興縣

黃蘇嶺縣東四十里隋末永豐鎮嘉慶中官軍敗於此

同今因之

口嶽嶺與縣西北四十里隋末永豐鎮嘉慶中官軍敗於此

同今因之

同今因之

同今因之

江南通志卷二十六終

